

Газет
1948 ж.
20 сәуірінен
шыға бастады



№ 8 (1292)
қазан
2000 жыл

Қазақ университеті

ӘЛ-ФАРАБИ АТЫНДАҒЫ ҚАЗАҚ МЕМЛЕКЕТТІК ҰЛТТЫҚ УНИВЕРСИТЕТІНІҢ
РЕСПУБЛИКАҒА ТАРАЙТЫН ГАЗЕТІ

25 қазан - Қазақстан Республикасы күні

Арайлап таным,
асқақтап тауым,
Ән ойнап көгім,
күй тартты көлім.
Қол жетті, міне,
ансаған күнге,
Жасай бер, жаса,
қазағым менің!..



Жетістігіміз мол, атқарылар іс те аз емес

1999-2000 оқу жылының қорытындылары және 2000-2001 оқу жылына арналған университет ұжымының міндеттері



Кәпжасар
НӘРІБАЕВ,
ректор

Жұмыс қорытындысы республикалық баспасөзде жарияланып, көпшіліктің қолдауына ие болған Мемлекеттік аттестациялау комиссиясы Қазақ мемлекеттік ұлттық университетінің республика көлеміндегі ерекше орнын және тәуелсіз Қазақстан үшін жоғары сапалы мамандар дайындайтын басты оқу ордасы екенін айрықша атап өтті. Осындай үлкен қуанышқа тағы бір қуаныш қосылды. Ол - Қазақстан Республикасы үкіметінің университеттің жоғары білім беру саласындағы еңбегін жоғары бағалап, 49 мемлекеттік және 100-ден астам жеке жоғары оқу

орындарының арасынан ерекшелеп - Қазақ мемлекеттік ұлттық университетінің ерекше мәртебесі жөніндегі қаулы қабылдауы.

Мұндай жоғары баға университет ұжымының ұзақ жылдар бойғы еселі еңбегінің нәтижесі. Алдағы уақытта мұндай нәтижеге масаттанып қоймай, университетті әлемдік деңгейге көтеру бағытындағы жұмыстарды жалғастыруымыз керек.

2. Жаңа жүйе - тың міндеттер жүктейді

Студент қабылдаудың жаңа моделі жоғары оқу орындарының мәртебесін іс жүзінде сынаған шара болды. Университет бұл сыннан да мүдірмей өтті.

Өткен оқу жылында 1218, биыл 1340 грант пен несиеге ие болған талапкердің жоғары білімді ұлттық университетте алуға бел бұғаны біз үшін үлкен мәртебе. Жалпы

университет бойынша 1 курсқа қабылданған студенттердің саны өскенімен, жаңа жүйе кейбір факультеттердің ұжымына үлкен салмақ түсірді.

Бұндай жағдайдың негізгі себебі - деканаттардың және кафедралардың мамандыққа бағдарлау жұмыстарын нашар жүргізуі. Мысалы, студенттер арасында жүргізілген сауалнама бойынша 1-курсқа түскен студенттердің 10% астамы өз мамандығы туралы ештеңе білмейтінін мойындады.

Қабылдаудың жаңа жүйесі грант пен несиеге ие болған студенттер мен олардың ата-аналарына таңдау мүмкіндігін берді. Сондықтан олар енді білікті мамандары бар, кітапханасы бай, оқулықтармен толық қамтамасыз етілген, материалдық-техникалық базасы мықты оқу орындарын іздейтіні сөзсіз.

Сапа мәселесін оқу үлгерімінен нақты көруге болады. Бұрынғыдай пайыз қумасақ та, басқа көрсеткішті

әзірге енгізе қоймағандықтан, осы мәселеге көңіл бөлсек. 1999-2000 оқу жылының қорытындысы бойынша университеттегі орташа көрсеткіш 70 пайыз болды. Грантпен түскен студенттерді үлгерімі 84 пайыз, ал несиеленген студенттер 76 пайыз көрсеткішіне жетіп отыр. Биология, география, тарих, журналистика факультеттерінің және экономика және құқық институтының үлгерімдері орташа көрсеткіштен біршама төмен. Ең жоғарғы үлгерім философия және химия факультеттерінде (86-84 пайыз). Оқу жылын "өте жақсыға" аяқтаған студенттердің саны жөнінен жоғары көрсеткіш халықаралық қатынастар факультетінде, ал "қанағаттанарлық" бағамен аяқтағандардың саны экономика және құқық институтында көбірек.

Келісім-шартпен оқитын студенттердің оқу үлгерімі университет

ҒЫЛЫМИ КЕҢЕС

26 қыркүйекте университет Ғылыми кеңесінің 2000-2001 оқу жылындағы алғашқы мәжілісі өтті.

Мұнда 1999-2000 оқу жылының қорытындылары және 2000-2001 оқу жылына арналған университет ұжымының міндеттері туралы ректор Кәпжасар Нәрібаев баяндама жасады. Одан кейін магистратураға және бакалавриатқа қабылдау қорытындылары хақында оқу-әдістемелік жұмыстар жөніндегі проректор М.К.Орынхановтың және қабылдау комиссиясының жауапты хатшысы Б.М.Мұхамедиевтің хабарламалары тыңдалды. Одан соң магистратура мамандықтарының типтік жоспарға көшірілуіне байланысты мемлекеттік стандарттар мен оқу жоспарларын талдау турасында магистрлік дайындық бөлімінің жетекшісі Р.Н.Матакова хабарлама жасады.

Көтерілген мәселелерге қатысты академиктер З.Қабдолов, Я.Ә.Әубәкіров, ҚР ҒА мүше-корреспонденті, профессор М.М.Әбділдин және профессор Н.Омашевтар өз пікірлерін ортаға салды.

РЕКТОРАТ

10 қазанда университет ректоратының кезекті мәжілісі өтті.

Онда өндіріске ғылыми жетістіктерді енгізу жағдайы туралы Ғылыми жұмыстар және халықаралық байланыстар жөніндегі проректордың орынбасары В.Н.Уваровтың хабарламасы тыңдалды. Хабарлама талқыланғаннан кейін жатақханалардағы халықтық дружиналар мен студенттер кеңесінің қызметі және оны ұйымдастыру хақында тәрбие жұмысы және әлеуметтік мәселелер жөніндегі проректор Л.С.Ахметова сөз сөйледі. Бұл саладағы толғақты мәселелер ортаға салынған соң студенттердің Ыстықкөлдегі спорттық-сауықтыру лагерінде жүргізілген жұмыс қорытындылары жайында емдеу-сауықтыру лагерінің директоры К.Б.Мәдиевтің хабарламасы тыңдалды.

Мәжілісте тыңдалып, талқыланған мәселелерді қорытындылай келе ректорат қаулы қабылдады.



ҚАЗМУ-ДЕН ҚАНАТ ҚАҚҚАН

Сиднейде өткен Олимпиададан алтын мен күмістен алқа тағып, Қазақстанның мәртебесін асқақтатып қайтқан жеңімпаздарды Алматы әуежайында ҚазМУ студенттері қарсы алды.

Жеңімпаздар:

Ермахан



ҚазМУ-дің түлектерінің қашанда халық көңілі меже тұтқан үмітті орындардан көрініп келе жатқандығы мәлім. Ел үмітін жүк ету, бүгінгі шәкірттің басты мұраты.

Тәуекел істің түбі бір десек те, сыналар сәттің еркі әр түрлі екен. Отандастарымыз, әрі ұлттық университетіміздің төл перзенті - Ермахан Ибраимов дүбірлі Сидней Олимпиадасынан олжалы оралды. Күллі әлемнің спорт жанкүйер қауымы үшін, намыс отының көрігі болған әйгілі қаланы өзіне алтын жүлде тақтыруға мәжбүр етті.

ҚазМУ-дей киелі шаңырақ өз ұлдарын әсте ұмытпақ емес. Жеңімпаз ұландарды қарсы алу рәсіміне, университеттің филология, заң

факультеттерінің бүгінгі қабырғаластары ат салысты.

Білім ордасынан қанаттанған түлектер қатары қашанда жеңіс тұғырынан табылары сөзсіз. Пайым солай болғай.

Бекжан

13-қазанда Республика сарайында Мәдениетті қолдау жылына байланысты өткізілген ақындар айтысында журналистика тарихы кафедрасының аға оқытушысы Бекжан Төребекұлы ӘШІРБАЕВ жүлделі 3-ші орынға ие болып, ұлттық университетіміздің беделін тағы бір өсірді.

Индира



Алматы қаласы кітапханалар күніне орай өткізілген "Жыл кітапханашысы" конкурсы 13-қазанда Қазақстан Республикасының Ұлттық кітапханасында өткен еді.

Алматы қаласының ірі-ірі кітапханаларының қызметкерлері қатысқан бұл конкурс кітапханашылардың кәсіби деңгейін, мәдениетін, парасатын, танымы мен талғамын және сұлулығы мен сымбатын сынаған.

Осы сында университетіміздің Ұлттық кітапханасының қызметкері Индира Разақова жүлделі 3-ші орынға ие болды.

Мәртебелерің биіктей берсін, жеңімпаздар!

Аналардың ақ отауы ашылды


Бүгінгі таңда әйел, ана, бала жайы ең өзекті мәселелердің бірі болып табылады. Біздің университетімізде осы уақытқа шейін қыз-келіншек, апаларымыздың мүддесін көздеген әйелдердің екі қоғамдық бірлестігі жұмыс істеп келді. Қазан айының 18-ші жұлдызы күні университет қыз-келіншектері үшін тағы бір қуанышты жаңалық болды. Бұл күні тарих факультетінде "Ана" атты тарихшы әйелдер клубы қоғамдық бірлестігі өзінің жұмысын бастап, ресми түрде тұсау кесер рәсімін өткізді.

Бірлестіктің ашылу салтанатына Құрманғазы атындағы Алматы консерваториясының ректоры, Қазақстан Республикасының еңбегі сіңген артисі, ҚР Президентінің жаня және әйелдер ісі бойынша ұлттық комиссиясының мүшесі, профессор Ж.Я.Әубәкірова, тәрбие ісі және әлеуметтік мәселелер жөніндегі проректор Л.С.Ахметова, тарих факультетінің деканы М.Қойгелдиев, университеттің соғыс және еңбек ардагерлері қоғамының төрағасы Ф.Ж.Жұматов қатысты.

Салтанаттың құрметті қонағы Жәния Әубәкірова көгілдір лентаны киіп, клубтың тұсауын кесіп, құттықтау сөз сөйледі.

Мерекенің соңында тарих факультетінің ұжымының атынан Дәурен Ескекбаев ән-шашу жолдады.

Нүргүл



ИРАН-ҒАЙЫП

ҚОЖА АХМЕТ ИАСАУИ (Қасиет-нама)

Бисми-л-лаһи-р-Рахмани-Рахым...
Ұлы Ұстазды
Үлгі тұту -
Мұратым:
Қалам тартып -
Қасиет-Нама -
Жыр жаздым,
Келер Ұрпақ
Фибрат-лу қылатын...
Күндей Жарық
Нұрын төгу -
Міндеті.
Айдан анық -
Хақ жолына құрметі:
Сүйген Құлы -
Ол -

ТҮРКІСТАНҒА - 1500 ЖЫЛ

Халықаралық "КАТЕУ" қоғамдық қоры мен Түркістан қалалық әкімшілігі бірлесе отырып, поэзия мен прозалық шығармаларға жариялаған "Түркістанға - 1500 жыл" атты Халықаралық бәйгеге жіберілген 206 поэзиялық шығармалардың ішінен Иран Ғайыптың "Қожа Ахмет Иасауи" атты шығармасы 1-ші орынды жеңіп алды. 2-ші орынды "Мүбәрәк Түркістан" өлеңі үшін Омар Қаржау Айтолқын, 3-ші орынды "Ерлік пен елдік толғауы" атты өлеңі үшін Исраил Сапарбай иеленді. Оқырман назарына бас бәйгені жеңіп алған Иран Ғайыптың шығармасын Түркістан тойына орай ұсынып отырмыз.

Құдіреті Қуштінің,
Ғалайкум-ас-салам
Мұхаммедтің Үмбеті!
Сана шыңы -
Парасаты - Пайымы,
Кіші Мекке -
Түркістанның Найыбы:
Қожа Ахмет Иасауи -
Ол -
Хас Кие -
Екі бірдей
Дүниенің лайығы!

Дін-Мұсылман
Мінәжатын қаза ғып
Көрмеген жан...
Ойы - жүдеп,
Сөзі - арып:
Қожа Ахмет Иасауи -
Ол -
Ар-Иман!
Қожа Ахмет Иасауи -
Ол -

Тазалық!

Жақсылықты -
Қашырмаған қасынан,
Жамаңдықты -
Асырмаған басынан:
Кірленбеуге -
Көрге кірген Тірідей,
Тауып толас -
Пайғамбардың жасынан...

...О, Пенделер!
Кедей Рух -
Байсыңдар!
Бас-басына
Бейне
"Жалған Құдайсыңдар!"
Иасауише -
Жердің үстін аластап,
Жер астына
Түсетуғын қайсың бар?!

БАУЫРЖАН МОМЫШҰЛЫНЫҢ ТУҒАНЫНА - 90 ЖЫЛ

Ұлтың сүйген ұлы тұлға

Момышұлы Бауыржан 1910 жылы желтоқсанда Жамбыл облысы Жуалы ауданының Көлбастау ауылында туған. 1942 жылдан КПСС мүшесі. Ұлы Отан соғысына қатысқан. Панфиловшы. даңқты жауынгер, гвардия полковнигі.

Адамзат тарихында қантөгіс көрмеген ұрпақ сирек болғандықтан соғыс жағдайындағы адам психологиясы ғалымдардың да, көркемсөз шеберлерінің де зерттеу объектісі болып келеді. Қазақта соғыс психологиясын тағға таңба басқандай етіп жазған адам біреу - Бауыржан Момышұлы. Ол өзінің солдаттары мен офицерлерін кезекті ұрыс пен кезеңдік соғыстағы жеңіске ғана дайындамай, болмыстағы жеңіске баулыған еді.

Бауыржан Момышұлы өз халқын, өз қазағын ағынан жарыла жақсы көрді. Оның өткенін, қазіргісін, болашағын ойлап, қайрат қылды, күресті. Снарядтың өтінде, бомбалардың бетінде тұрып, Бауыржан Момышұлы Қазақстанның тұтқасын ұстаған басшыларға ұлтын аманат етіп тапсырады. Ұлттың ділін, тілін, салт-санасын бұздырмаңдар, жас ұрпақты жасқаншақ етпендер, батырлыққа, батылдыққа, адалдыққа тәрбиелендер деп өтінеді.

"Жеңіске тек рухтың күштілігімен ғана жетуге болады" дейді Бауыржан Момышұлы.

Скатова А.Ж., Коурдакова Г.С



ФАКУЛЬТЕТТЕРДЕ

М.Әуезов және тіл

Жуырда филология факультетінде М.О.Әуезов атындағы әдеби бірлестік "Қазақ тілі" қоғамының он жылдығына және Қазақстан халықтары тілдері күніне байланысты студент-жастарға арнап "М.О.Әуезов және тіл" деген тақырыпта кезекті мәслихатын өткізді.

Мәслихатқа Ж.Дәдебаев, Б.Майтанов, Т.Медетбек, Д.Досжан, Ә.Меңдеке, Б.Жақып, Қ.Бегман сияқты белгілі ғалымдар мен акын-жазушылар қатысты.

Филология ғылымының докторы, профессор Р.Тұрысбек жүргізген бұл мәслихатта жазушымыз Д.Досжан туған халқының тілі мен әдебиетін дамытуда өлшеусіз еңбек сіңірген М.О.Әуезовтің сом тұлғасына тоқтала келіп, соңынан жастарға "Алыптың азабы" атты кітабын тарту етті. Сыншы Ә.Меңдеке мен акын-ұстазымыз Б.Жақып өз сөздерінде ана тіліміздің маңыздылығын әдебиетіміз бен мәдениетімізге байланыстыра отырып әңгімеледі. Маңыздысы: сөз алған қонақтар қазақ тілі мен әдебиеттің жай-күйін, келешегін кең көлемде әңгімелеп берді.

Н.Б.САҒЫНДЫҚ,
филология ғылымының кандидаты.

Жазушының жанын түсінетін жаңа ұрпақ өсіп келеді

М.О.Әуезов атындағы әдеби бірлестіктің ұйымдастыруымен жазушы, баспагер Бексұлтан Нұржекеевпен кездесу болды. Кездесуді бірлестік жетекшісі филология ғылымының докторы Р.Тұрысбек ашып, жазушының өмірі мен шығармашылығына кеңірек тоқталды. Жазушы мен оқырманның арасында отбасы, махаббат тақырыбында қызықты әңгіме қызу пікірталасқа ұласты. "Отбасы бұзылса, Отан да бұзылады, әрқашан кешірімді болу қажет. Осыларды сіздерге қаламмен жеткізу - менің міндетім" деген Б.Нұржекеев кітапхана қызметкерлеріне "Әйел жолы жіңішке" атты кітабын тарту етті. Оқырмандарына алғыс айта келе "Жазушының жанын түсінетін жаңа ұрпақ өсіп келеді екен" деп сөзін түйіндеді.

Лаура

Здравствуй, первокурсник!

Это давно уже превратилось в одну из лучших факультетских традиций. Со свойственной, наверное, только представителям творческих профессий атмосферой, обычный праздник всегда превращается в захватывающую игру, в которую втягивается вся аудитория. Таинство посвящения разворачивается по заранее разработанному, замысловатому сценарию, где роль отведена не только самим студентам, но и приглашенным преподавателям. В некотором смысле все это напоминает известное шоу Маслякова, однако возможность проявить себя имеет каждый талант. Журналистам же всегда были знакомы и национальные, и современные музыкальные инструменты, а молодые и красивые голоса создают неповторимый вкус любому действию. И хотя за этим стоит обычная передача эстафеты старшекурсников "первашам", для вновь прибывших - это первая возможность заявить о своем потенциале, показать свои еще, быть может, прекрасные таланты. Ведь они становятся с этого момента студентами факультета творчества...

Арман КУДАБАЙ.





Оюлап шетін сырғызған...

Фестиваль ашылуының салтанатты сәті



Қырғыздың қарапайым қызы

Алатоо жерінен, Тоқтоғұлдың өлінен келген ақ қалпақты бауырларымыздың Студенттер сарайы ғимаратының алдында өнер көрсетіп жатқан кезі еді. Дәл осы күні достық пен туысқандық іс-шарасының шырқын бұзбайын дегендей, нұрлы күн жомарттық істеп, шуағын аямай-ақ төгіп, мерекелік көңіл-күйдің ауа-райымен үйлесім табуына ықпал жасағандай. Сонда маған нұрлы күн, қазағымның бауырлас, тамырлас халыққа деген ыстық ілтипатын, аппақ, ақкөңіл ниетін көрсеткендей көрінеді. Әншейінде, асығып-аптығып, бір орында байыз таппай жүретін мазасыз студент халқы аялдап, бір сәт сарайдың алдына жиналды. Санасын мазалаған сондағы жалғыз сұрақ: "Қандай екен?". Келді, көрді. Біреуі айтты: "Қазақтан қай жері кем?" "Өзіміз екен ғой" деді екіншісі. Менің журналистік қызығушылығым артып, "қой өнді бұлармен жақынырақ танысайын" деген оймен сахнада мың бұрала билеп, "сыншыл" көрерменнің көзайымына айналған қырғыздың биші қызын әңгімеге тарттым.



қалай өткізеді? Өзіңнің сүйікті хоббиың бар ма?

- Бос уақыттарын кітапханаға барып танымдық кітаптар оқудан бастап, түнгі клубтарға дейін әркімнің талғамына сай әртүрлі өткізеді. Біздің университетімізде жастардың мәдени, қоғамдық іс-шараларға қатынасуына үлкен көңіл бөлінген. Атап айтар болсақ, толып жатқан спорт үйірмелерінен бөлек "Ишан" жастар орталығы, студенттердің өзін-өзі басқаруымен айналысатын қоғамдық жастар бірлестігі жұмыс жасайды. Бұл ұйым студенттер мәселелерін шешіп және әртүрлі көрмелер, конференция, семинарлар, қарсылық акцияларын өткізуге ұйытқы болады. Бұдан басқа көңілді тапқыштар отауы 5 КВН топтары бар. Ал өзіме келер болсам, билегенді ұнатам. Қол босап, мүмкіндік болып жатса, саябақта жалғыз серуендеп, көңіл сергіткенді жақсы көрем. Сонымен қатар өмір күнделігін толтырамын.

сабақтастығы және т.б. Ендеше талай тар жол тайғақ кешуді бірге өткізген қойдың егіз қозысындай халықтардың жастарының тыныс-тіршілігінде де анау айтқандай өзгешелік жоқ, меніңше. Тек менің көңіліме кірбің ұялататыны ол қазақ жастарының ана тіліне деген салқынқандылығы. Ана тіліңді сыйламау, туған ананды сыйламаумен тең емес пе?! Бұл келенсіздікті мен ерекшелік емес, кемшілік деп айтсам дұрыс болар. Ал былайша қазақ жастары тез тіл табысқыш, пысық, әрі көңілді жүреді екен.

- "Дос жылатып айтады" десек, қазақ жастары бұл ескертуді елеусіз қалдырмай, тиісті қорытындысын шығарар деген ойдамыз. Бірақ өздеріңіздегі мемлекеттік тілге деген көзқарас қандай?

- Сұрағың орынды. Әрине, мемлекеттік тілдің орнығуына ел ішіндегі әртүрлі этникалық топтардың көптігі кедергі келтіретіні рас. Бәлкім, аумағы жағынан Қазақстаннан өлдеқайда кіші еліміздің халқының басымы қырғыздар болғандықтан адамдардың 60%-і дерлік қырғыз тілінде сөйлейді. Бізде де орыс тілі ресми тіл ретінде жарияланғанымен, Қазақстандағыдай қолданыс аясы кеңеймеген.

- Қырғыз жастары бос уақытын

- Болашақтағы жоспарың...
- Қырғыздың қарапайым қызы болу (күлді).
- Арманыңа жет, біз саған тілектеспіз. Келіп тұрыңдар. Қонақжай қазағымның есігі төсекте басы, төскейде малы аралас қырғыз бауырына әрқашан ашық.

Қанат Әуесбай, 2-курс студенті.

Достығымыз жарасқан...

Университет оқытушылары мен студенттері тәжірибе алмасу мақсатында шетелдік оқу орындарында болып, елімізге қажетті мамандықтарды игеруде.

Өткен айда Қырғыз мемлекеттік ұлттық университеті біздің шаңырағымызда қонақта болып кетті. Тәуелсіздік алған екі бауырлас елдің оқу-ағарту жүйесінің қаншалықты дамығаны жайлы Қырғыз университетінің халықаралық байланыс жөніндегі проректоры М.Ә.Мокиевті бір-екі ауыз сөзге тартқан едік.

- Сапар жөнінде хабар берсеңіз.

- Бұл сапар өткен жылдан бастау алып келе жатыр. Өткен жылы сіздердің студенттеріңіз Ыстықкөлде болып қайтты. Біз сол дәстүрлі жалғастырып, сіздерге келдік.

- Сапардың мақсатын айтып өтсеңіз.

- Былтыр екі университет ректорлары бір-бірімен мұғалім, студент алмасып тұруға келісті. Мұғалімдердің басқа елдерде кандидаттықты, докторлықты қорғауға мүмкіндіктері туды. Семинарлар жүргізетін болдық. Жыл сайын 15 студенттен алмасып тұрамыз. Екі елдің бұрыннан келе жатқан достығы студенттердің арасында да көрінісін тапсын деген ниеттеміз.

- КСРО ыдырағаннан кейін көптеген ТМД елдері білім саласында өзгерістер енгізді. Біреулері Батыс елдерінің оқыту жүйесін ұстанса, енді біреулері бұрынғы КСРО жүйесімен қала беруде. Ал Сіздерде қалай екен?

- Бізде өзіңіз айтып өткен екі жүйе де қалыптасқан. Кейбір оқу орны КСРО жүйесімен оқытса, басқалары Батыстың оқыту жүйесін қалайды. Ал біздің университетіміз екеуін де қолдану арқылы жақсы мамандар даярлауда.

- Сонда студенттермен ара-қатынастарыңыз қалай? Бұрынғы тоталитарлық жүйе бойынша ма, елде демократиялық түрде ме?

- Жоқ, тоталитарлық жүйе қалды ғой. Студенттерімізбен қолдан келгенше ашық, демократиялық түрде қарым-қатынас жасауды жөн көреміз, олардың пікірін тыңдап, талаптарын орындауға тырысамыз. Тоталитарлық жүйенің кейбір озық оқыту бағдарламасын аламыз. Әкімшілдік, әміршілдіктің бізге қажеті жоқ.

- Университеттеріңіз басқа елдермен байланыста?

- Біздің университет қазір көптеген елдермен қарым-қатынаста. Франция, Германия, Италия, Жапония, Қытай, Түркия, АҚШ-тың жоғары оқу орындарымен байланыстарымыз өте жақсы.

- Соңғы сұрағымыз: жастарға айтар қандай тілегіңіз бар?

- Алдымен қазақ халқына әрі қарай өркендей беруіне шын жүректен тілектеспін. Ал жастарды оқуды жақсы оқып, еліне адал қызмет етуге шақырамын. Екі ел арасындағы достық туының одан әрі желбірей беруіне сенімім мол.

- Рахмет, Сіздерге де қазақ халқының атынан барлық жақсылықтарды тілейміз. Сау болыңыз!

- Рахмет!!!

Мадияр САУДБАЕВ.

Футболдан достық кездесу



"Қолыма қызыл гүл алып..."

Аяғын енді ғана тәй-тәй басып келе жатқан II Халықаралық студенттер фестивалі енді өз туын Қазақстан аспанында желбіретті. Өз бауырластығын танытуға қырғыз ағайындарымыз Алатоо бауырына енді. Өткен жылы қазақ студенттері Ыстықкөл жағасында болып, барлық ыстық мейіріміне қанып келген болатын.

Қазақ мемлекеттік ұлттық университетінің проректорының сөзімен басталған той тойға ұласып, екі университет студенттері өз өнерлерін жиналған қауымға тамашалатуға ынтық екендерін сездірді.

Тойбастар ҚазМУ-дің журналистика факультетінің 4-ші курс студенті Талант Арғынғали орындауындағы арнау жырмен ашылды.

Фестиваль екі университет студенттерінің Брейн Ринг сайысына түсуімен жалғасты. Екі жақ та бейбеден құр қалмауға тырысқанымен, қонағымыздың ағасына жол бергендей пейілі көрінді. Білім сайысын артқа тастап, ендігіде қырғыз ағайындарымыз өнер дегенде аттыға жолды, ауыздыға сөзді де бермеді. Бірнеше қырғыз қыз-жігіттері топтан суырылып, өлең десе асын қоятын өнерпаздар екенін көрсеткенде "көр де, үйрен" дегін келеді.

Залда отырғандар Қырғыз мемлекеттік ұлттық университетінің студенттерінің өнерін қызығып та, таң қалып та тамашалады. Көрерменнің көзбен көргені, құлақпен естігені сол мезетте көкейде орын тепкені ешкімге жаңалық болмағандай. Қырғыз жастарының дарындарына ырза болған көрермен қауымы қол шапалақтап, шығарып салды. Той домбырасы ендігі кезекте өзіміздің университеттің жастарына берілді. Қанша жерден намысшыл болсақ та, қырғыз туысқандарымыздың бәйгеге қосылған сәйгүлігі озағанын мойындауға тура келді.

Спорт сайысында екі университеттің де студенттері тең түсті. Қай университеттің студенттері болмасын, білімді ғана игермей, спорттан да қашық еместерін танытты.

Осымен II Халықаралық студенттер фестивалі аяқталды. Біз де қонақтарымызды "Қолыма қызыл гүл алып, Қоштасқан күнді сағынам" деп әндете шығарып салдық. Құдай бұйырса, ендігі жылы тағы да қырғыз-қазақ бір туған бауырлас екенін көрмек өмір бар. Кездескенше, бауырлар!

Қамар ӘМІРЖАНОВА.



Брейн ринг ойынында қырғыз жастары ұшқыр ойын, өткір тілін байқатты

